

KRISTAK ADI SONOT HORMO AR MÃYÃM

Onor

Kristre adi manotan dularia Go-Baba, boeha-miserako- jotoko Jisu maran

Tehen do Probhuak rakabok reak porob bon manaoetkana.

Dela Uni thenge, calak reak dahar jaogebon tarama ar aboak mon-ontorre serma calak daharbon apnarjonma.

Pahil Pat

Sirjau puti khon tehenak pahil pat

Genesis 14:18-20

Salemren raj Melkisedek do Abram lagit' pitaha ar darkha rasae agukeda. Uni do maran Isorren naekeye tahkana. [19] Uni do Abram bhoradeteye metadea, "Serma ar ot okoeye sirjau akat' uni maran Isor do Abrame bhoraema. [20] Okoe do amren bairiko amak' tireye jimaket'ko uni maran Isorak' sarhao bare hoyok'tae ma." Unre Abram do ac'ak' ruar aguakat' jinisko reak' gel his khon mit' his do Melkisedeke emadea.

Noage Probhuak katha do.

Seren Ruarok Orhe

Coran: Am do jaejug dhabic naeke,

Sedaeren Melkisedekak dhara lekate naekege.

1. Probhu do inren Probhui metadea:

"In etomre bare durupme,

Ar in do amren bairiko amak' janga lebedokakin dohokoa.

2. Probhu do Sion khon,

Raj aidari reak thengae kolama.

Amren bairiko talare bare rajokme.

3. Sonot bururem janamen din khon

Raj manotem nawana.

Angak aquirege kukhi khonin janamakamea.

4. Probhu doe kiriwakana ar katha bangeye jom ruara.

Am do jaejug dhabic naeke kanam.

Sedaeren Melkisedekak dhara lekate naekege.

Dosar Paṭ

Korinthiko ṭhen bhoranić Perit Paulusak' paḥil ciṭhi khonak' Dosar Paṭ 1 Korinthiko 11:23-26

Okatak' iń cet' akawat'pe ona do Probhu ṭhen khongen' namakada. Oka ninda Probhu do bairikoak' tireye sap' ocolen, [24] ona ninda uni do piṭḥa atańkate Isore gunmanao joharadea ar onae kecak'ket'teye menleda, "Noa do ińak' hořmo kana one ape laḡit' emogok'kan; ar iń disayin' laḡit'ge nonkaepe baře." [25] Kedok' tayom onkage baṭi hõ halańkateye menleda, "Noa baṭi do ińak' mãyãm hotete Isorak' nawa bondobos kana; tinak' dhaope nõi nonkaepe, iń disayin' laḡit'." [26] Onate uni auriye hijuk' ḥabic' tinak' dhao noa piṭḥape jom ar noa baṭi reak'pe nõi unak' dhao Probhuak' gujuk' reak' kathape porcara.

Noage Probhuak' Katha do...

Sarhao Ařan'

Alleluia!

serma khon ařg hećakan jiwet' pitha doń In' kangea,

Probhui meneda.

Jãhãe noa pithai jom khan, jaejug ḥabic' jiwete tahena.

Alleluia!

BHAGE SOMBAT

Sonot Lukase olakaṭ leka Bhage Sombat

Luk 9:11-17

Menkhan gadel hoř do ona khoborko baḍaeket' khan Jisuko pańjakadea. Uni do onko hořkoe atańket'kote Isorak' raj reak'e laiat'koa. Ona chaḍa okoekoak' boge oco' reak' jařuř tahėkan onkoe bogeket'koa.[12] Ado ber ḥařurok'kan tahėkan jokhec' onko gelbar celako do Jisu ṭhen hećkateko menkeda, "Abo okare menak' bon noa do mit'ten nisun jaegakana. Onate gadel hořko bidakakome jemon onko do sor reak' ato ar nagrahate senkate jom ar taken laḡit' jaegako sendra nam dařeak'." [13] Jisui metat'koa, "Onko do apege jomak' emakope." Adoko metadea, "Ale ṭhen do eken mõřẽ goṭen piṭḥa ar barea hako chaḍa ar cet'ge bańuk'a. Menkhan ale do senkate jomak'le kiriń aḡule anec'le jom oco dařeakoa." [14] Onḍe do mõřẽ hajar gan herel hoponko tahėkana. Jisu do ac'ren celakoe metat'koa, "Mimit' dolre mõřẽgel mõřẽgelkate pantete duřup' ocokope." [15] Ado onkage celako do sanam hořko duřup' ocoket'koa. [16] Ar Jisu do ona mõřẽ goṭen piṭḥa ar barea hako atańkate serma sec' beńget' rakap'kateye bhorada are kecak'keda. Ona tayom gadel hořko emako laḡit' celakoak' tireye calat'koa. [17] Ar sanam hořko jomkeda arko biyena. Ar okako kecak' hirić pařir nur tahėkan onate celako do gelbar paṭiać'ko halań jarwakada.

Probhu Jisuać Bhage Sombat do.

Dhorom Galmarao

Kristre ađi manotan đulariđ Go-Baba, boeha-miserako- jotoko Jisu marań

Teheń do, Girđa Gogo do, Kristak ađi sonot hořmo ar mǎyam reak porob bon manaoetkana. Teheńak Bhage Sombatre anjomet kana je Probhu Jisu do gadel hořko, eken sikhauna do bań menkhan jomak ar nuiak hoe emako kana. Probhu do gadel hořko haharage moře gořteć pith aar barea hakoteye jom okoketkoa. Nia hahara kami do- daraekan Sonot Yukarist sakramente udukabon kana. Nia sonot Yukarist do Isor saote napam reak sombondh reye tolmitetbona. Sonot Yukarist do sadharon pith aar dakhrasa babot do bań kana menkhan sahai ar jion naaã ruar reak dahar kana. Nia do ona Sonot jomak kana, oka hotete serma do dharti saote tol ruarokkana.

1. DAYA-MǎYǎ REAK JOMAK: JISU DO GADEL HOŘKO JOMAKE EMAKOKANA (11-13)

Menkhan gadel hoř do ona khoborko bađaeket' khan Jisuko pažjakedea. Uni do onko hořkoe atańket'kote Isorak' raj reak'e laiat'koa. Ona chađa okoekoak' boge ocok' reak' jarur tahėkan onkoe bogeket'koa (Lk 9:11).

Sonot Yukarist reak janam do, Jisuk ontor khon bumbhugok kan daya-mǎyǎ karontege hoyok kana. Pitha reak hahara kami laha, Jisu do gadel hořko sikhaunae emako kana. Uni dhorom sikhauna hotete, unko sanamkoe sapraoetkoa. Uni do hořmo teak reńgeć ar atma teak tetań marao laha, sikhaunae emakokana.

Ona lekage, mimis misare, Probhu do sanam pařiaunkoe- atań darametkoa, sikhaunae emko kana, atma teak boge emako kana ar ona tayom do Acak hořmo ar mǎyǎm hařin kate, jomake emabon kana.

Sonot Yukarist do nia geye disa ocoketbona je – Probhu abo khon ađi sańgin re do banuea. Uni do aboak hořmo ar atma banar lađit geye dandok kana.

2. SONOT GOŘO-GOPORO REAK JOMAK: THOŘA DO AEMARE BODOLOKANA (13-14)

Jisui metat'koa, "Onko do apege jomak' emakope." Adoko metadea, "Ale řthen do eken moře gořen piřha ar barea hako chađa ar cet'ge banuk'a. Menkhan ale do senkate jomak'le kiriř ađule anec'le jom oco dařeakoa" (Lk 9:13).

Jisuren cela do ko nel keda je gadel hořko do aema ge menakkoa menkhan Jisu do niřten bhage sujoge lekae nelkeda. Nia Sonot Yukarist re do, Probhu do sadharon pitha ar dakhrasae hataoet kana menkhan Uni do sadharon piřha ar dakhrasa do jion emok dan re bodolok kana. Piřha ar dakhrasa samań reak pind do jion bodol reak pind hoyokkana, oka re do, serma do dharti saõ napam ruar kana. Sonot Yukarist do ona do bań okare abo Uni lađit jinisko bon ađue menkhan noa khon oka hařin lađitbon sapraogea.

3. MIT' JHOMOK SALAK SELEDOK REAK BHOJ: JISU DO CELAKOE SONGETKOA

Onđe do moře hajar gan herel hoponko tahėkana. Jisu do ac'ren celakoe metat'koa, "Mimit' dolre mořeđel mořeđelkate pantete duřup' ocokope."

Jisu do Ac moto te do bań menkhan celako gořo hataote, gadel hořko lađit haharae kamiyet kana. Sonot Yukarist do, abo sanam gořo emok jaegare do koyokkak lađit do bań menkhan gořo hařin lađite neotaeyetbona. Sonot Yukarist do, okare dan hařin jarur, onđe dan emok lađite neotaeyetbona. Sonot Yukarist do, okare salha jarur, onđe salha emok lađite neotaeyetbona.

Sonot Kommunion do, abo sanamko goṛo-gopoṛo, ika-ipika, salha ar sikhauṇako haṭin laḡite neotaeyetbona. Sonot Kommunion do, miṭ eṭakko seṇa haṭin laḡite uskuretbona. Sonot Kommunion do, miṭ eṭakko dularḡo laḡit' sombate emabon kana.

4. NOA JOMAK DO SAṬI DULARḠ REAK CINHA KANA: OKA SES KEDOK REAK SAPRAOGE

Ar Jisu do ona moṛe goṭen piṭha ar barea hako ataṅkate serma sec' beṅget' rakap'kateye bhorada are kecak'keda. Ona tayom gadel hoṛko emako laḡit' celakoak' tireye calat'koa (Lk 9:16).

Sonot Yukaristṛe, ponea kamiko menaka: Uni do beṅget' keda, bhoradea, kecak' keda are emakkoa; okado nia sakrament' reak asol kamiko kana. Nia jomak do- Ses Kedok' sec' meṭ' rakap' laḡite hohoe emabon kana ar ona saote, Kurus katre beṅget' laḡite hohoe emabonkana.

Miṭ-miṭ Sonot Yukarist' samaṅ oktere, Probhu do ar do mayame do bae balbalokkana menkhan, Uni do dularḡ salak' Acak' hoṛmo ar mayame emabon kana.

5. NIA JOMAK DO SAḠAI REAK CINHA KANA: JOTOGI JOM BIKO JOMKEDA

Ar sanam hoṛko jomkeda arko biyena. Ar okako kecak' hiric' pasir zur tahēkan onate celako do gelbar paṭiaḡ'ko halaṅ jarḡakeda (Lk 9:17).

Sonot Yukarist' reak miṭten hahara katha menaka. Sonot Yukaristṛe seledok' hoṛ do tisce reṅgec' do bae ruḡa. Uniak' pinḡ khon, okoe hoṛ reṅgec', okoe hoṛ ekn ti, okoe hoṛ nacar do bako ruḡakana.

Sonot Yukarist' do, sanam paṭiauankoak' jione sarbaraoetkana. Sonot Yukarist' do, bhiri ontor reak reṅgec'-tetaṅko hoṛ meṭao reak ḡare menaka. Miṭ gel bar khaḡlac' do- aḡi dher, aema saḡai, aema dan reak cinha kana. Sonot Yukarist' hotete, abo sanamko do miṭ hoṛmo bon hoyok' kana.

MUCAṬ KATHA:

Dularḡa Go-Baba, boeha-miserako; Nia pitha reak hahara kami do- eken lac' perec' jom reak kami do baṅ kana. Noa do, abo sanamko ontor mandirre, manot salak' ataṅ laḡit' hohoe emabon kana. Dela, nia Sonot Pitha ar dakhrasa do, jaoge man-manot bon emakma ar Uniak' hoṛmo ar mayam' nuite, jionbon hamet'jonma.

Nehor Koe

Kristṛe dularḡa Go-Baba, boeha-miserako, tehen do Kristak' aḡi sonot hoṛmo ar mayam' reak' probon kana. Tehen noa Probhuak' hukumte athwar' dewa-seware seledok' oktere, Probhuak' bhojre seledok' lahare, Isor thenbon koea, jemon aboak' biswas' badhaok' tabon ar jemon Uniak' daya- mayam' do jaoge abo sanamko cetanre takenma. Nia saṅ-saote eṭak' motlobko hc', Uni thenbon samaṅma.

Dela aboak' jarurakko, Probhu then bon koema. **Aboak' roṛ ruar do:**

E Probhu amak' daya-mayate, aleak' koeko luturatalem!

E dularḡa Jisu, ale do aleren Girḡaren Guḡpic', Dhorom Papa Liyo miṭ gel ponit' laḡit'le nehorokkana, dayatamte, amak' bhor dan te pereckaeme jemon uni do sanam paṭiauanko talare Jisuak' sonot hoṛmo ar mayam' man-manot em reak sikhauṇa do sanamko thene pasnaote, Girḡa do dinam-din sonot idik'. Noa laḡit' debon koema.

E Probhu amak' daya-mãyãte, aleak' koeko luturatalem!

E dulařia Jisu, ale do ale dhorom subaren ayuić aleren Bishop Baba- ar dhorom suba reak' bási ar mission dinda reak' básiko lađit'le nehorokkana, amak' sađai unko sanamre jhalkaome jemon uni do sanam hořko talare Bhage Sombat do rikir mone salake porcarte, sanamko talare dulař reak' sombate pasnao. Noa lađit' debon koema.

E Probhu amak' daya-mãyãte, aleak' koeko luturatalem!

E dulařia Jisu, ale do Sonot Yukaristren sapdařko.... Girjaren naekeko lađit'le koeyetkana, unko sanamko Amak' dulař reak' guńguře dohokome jemon onkoak' beobhar ar namuna nelte, dđarti ren sanam isađ boeha-miserako do patiaũ re ko kajagok'. Noa lađit' debon koema.

E Probhu amak' daya-mãyãte, aleak' koeko luturatalem!

E dulařia Jisu, ale do disom-disom talare lařđai hoyokkan, disom ayurko lađit'le nehorokkana, Probhu am do unko amak' dulař reak' sađaite de tunumkome jemon unko jaoge suluć reak' daharko pańjae, dđarti re do dulař reak' seńgel pasnao ar sanamko do helmelte tahenko kurumuťue. Noa lađit' debon koema.

E Probhu amak' daya-mãyãte, aleak' koeko luturatalem!

E dulařia Jisu, ale do Sanam patiaũnko lađit'le nehorokkana, unko cetan re do, amak' dulař de jhalkaome jemon sanamkoge man-manot salak', sapha ontorre Probhu Jisuać hořmo ar mãyãmko atań. Noa lađit' debon koema.

E Probhu amak' daya-mãyãte, aleak' koeko luturatalem!

E dulařia Jisu, ale do unko sanam hořko lađit'le koeyetkana, okoeko do dighdđate andesaleć kan, unko sanam Amak' sađaite de perećkom jemon unko do Jisuać katha ar marsalteko cehao oenete, serma bhojre seledok' reak' danko nam. Noa lađit' debon koema.

E Probhu amak' daya-mãyãte, aleak' koeko luturatalem!

E dulařia Jisu, ale nonde đajir menakko sanam isađ boeha-miserako lađit'le koeyetkana dayatamte amak' bhor dan de jařialeme jemon ale sanam ko sonot pitha ar dakhrasare, amak' đajirteć do jaogele aťkar, man-manotle uduć. Noa lađit' debon koema.

E Probhu amak' daya-mãyãte, aleak' koeko luturatalem!

Aayurić: E aleren serma Baba, ale sanam patiaũn boeha-miserako do Jiweć Pitha ar jaejug nuiak', ini Krist' lađit' reńgejok' reak' sađai de emaleme. E Probhu nonkan sađai de emalem jemon dđarti reak' nasaok' jom nuiak'bpm sendra baraere, serma teak' jomak'-nuiak' reak' sebeltet' alole adat'. Ini aleren Probhu Krist' hotete. **Amen.**

Fr. Nicholas Besra SDB